

安徽府縣志輯

中國地方志集成

安徽府縣志輯

# 中國地方志集成

安徽府縣志輯 ⑨

光緒廬江縣志



江蘇古籍出版社 ● 上海書店 ● 巴蜀書社

責任編輯 薛飛  
封面設計 范一辛  
美術編輯 姜嵩

中國地方志集成

安徽府縣志輯⑨

出版發行 江蘇古籍出版社

社址：南京市中央路一六五號

發行部電話：〇二五—三三三三四六—

郵編：二一〇〇〇九

印刷 上海市印刷七廠

定價 二三五元

1998年4月第1版第1次印刷

ISBN 7-80519-966-3/K·445

光緒廬江縣志



(清) (清)

錢 俞 錢  
燮 奎 鏞

纂 修

本書十六卷首一卷，據清光緒十一年（一八八五）刻本影印。

序余於柴未煠來宰廬江檢  
移交文卷有同治年修而  
未成邑志十二冊竊欲足  
成出顧以案牘心勞未遑  
也越明年春訟事稍簡乃

集邑紳亦謂之邑志  
修於嘉慶八年率同治間前  
任周君行以率紳重修尋  
既他調未及歲事今距嘉  
慶修志時七十餘年復經  
兵燹簿書燬失耆耄凋謝

若不及時蒐輯恐事多失  
傳終將語焉不詳也僉  
曰諾乃於季春經始分鄉  
採訪所續增者數倍於同  
治舊本復以今管異勢酌  
分門類移易改併諸君子

昕宵纂輯不半率而稿成  
付之剞劂氏又數月而告  
竣其於山川田賦諸大端  
亦既詳為考訂而於忠孝  
節義之事尤加詳焉誠以  
嘉言懿行亮節孤忠聞風

與起足資觀感闡遺徽於  
 往哲示規範於將來誰謂  
 邑志之修無關於班班人  
 心也故至同治季在事諸  
 人槩於周序中添列不忌  
 勞也


廬江縣志

卷之首

序

三

光緒十一年歲次乙酉仲春月  
 既望知廬江縣事陽湖錢鏞序



原序

廬江廬州之屬邑畿輔要地也禹貢爲揚州之域在漢爲郡尋  
 爲邑并潛并龍舒割屬無爲沿革不常而志亦無傳良可惜也  
 吾鄉周君際之來掌茲邑首以是爲闕典因請於太守陳公謀  
 諸學博莫君負輩聘邑人別駕王君萬年纂集而相與校正之  
 比成走幣徵余書弁諸首因復之曰志之來尙矣昔者成周之  
 制職方所司外史所掌詳且備矣兩漢亦有可稽唐宋輿地圖  
 經等制亦皆志也惟明洪武一統志以志其大者下而郡邑亦  
 各有志以志其所當志是皆文獻之徵政事之根本所宜備而  
 不可闕焉者也矧此首善之地山川人物古昔明徵志尤不可

廬江縣志

卷之首

原序

四

後者際之是舉其知所當務者歟吾見是志一備則凡戶口之  
 登耗田賦之豐吝人才之顯晦風俗之純漓制度之因革悉於  
 是乎見而凡政治之弛張緩急亦於是乎可次第舉矣且夫善  
 成於感感生於觀自茲厥後吏是邦者希名宦而修德政亦後  
 之名宦矣生是邦者慕名賢而勵器業亦後之名賢矣生齒之  
 繁風化之厚人物之盛制度之備皆是志之修爲之張本也夫  
 豈小補云哉然則際之是舉也非迂也宜也余聞際之有善政  
 且嘉其知所當務也因忘固陋而爲之序際之名良會別號梅  
 華山人云

嘉靖二年孟夏月工科給事中臨川鄒架

原序

廬陵思庭劉公令廬江之二年慨然欲新邑志請白湖宛公爲之總裁其共事則邑博龍田康公庠士魏王諸君也將成劉公擢判淮安經府顧公署縣事未幾建齊龔公繼任實成厥志偕白湖公走書南岡屬予爲序予不敏烏足以辱篇端乎哉已而讀志不覺作而言曰美哉鬱鬱廬江之靈彰彰如是乎夫二氣交媾混混茫茫廬江寓乎其間彈丸耳發爲英傑爲珍奇爲山川形勝如諸紀述煥乎文章照耀宇內又何後於通都巨邑也乃寥寥千古迄今日而始一光者譬之家莫非所有抑必賢王歷歷如指諸掌然後一草一木得自表見有生色焉不然則珍

廬江縣志

卷之首

原序

五

異淪於瓦礫多矣然則君子觀斯志也俯仰古今豈不爲之一浩歎耶夫志也者識也譬王之經理其家既竭心思焉又懼後之人忘其所有也爲之紀籍以識之俾後人頃刻一覽而家所有宛然在目肯堂肯構之志勃勃如也審如是仁人相繼而至觸目激衷不將有駕往哲而作俾一邑之靈自是日新月盛而爲簡帙之光者乎則斯志也豈曰小補之哉於是遂書之爲二公復

嘉靖四十二年仲秋月吏部文選司主事郡人蔡悉

原序

邑志志邑也邑之有志猶古列國之有史夫史權是非而昭鑒戒是故考世者必稽焉夫志標前休而策來哲是故秉筆者必慎焉孔子曰文勝質則史謂其詞藻絢麗而是非失真甚矣志不可以不慎也吾廬故有志缺而不修久矣邑侯劉思庭政暇批閱毅然欲輯而新之乃以屬之白湖宛大夫蓋重政體而嚴筆削非賢達如大夫者不可大夫吾師也博雅君子其與人不輕許可則其考覈評訂必詳且慎不徒藻繪乎詞章以炫燿簡策爲也史稱司馬遷記事不虛美不隱惡而劉向揚雄氏服其敘事謂之實錄乃王仲淹則謂陳壽之書范甯之春秋思過半

廬江縣志

卷之首

原序

六

者猶以遷固而下率競博洽而鮮勸戒不能無遺議焉然則志誠不可以易言也夫以大夫之學之才之公而著之爲志必爲劉揚所稱服而無仲淹氏之所謂遺議將不得爲實錄也乎其間所載官師人物或見思於去後或流光於沒齒使後之當官者見之則惕然修政居鄉者見之則悚然敏德斯志之爲用大矣否則如孔子之所謂史其於志也不亦贅乎若夫考沿革識山川搜羅往蹟以侈耳目快心意悉未足以盡志之蘊也豈秉筆者之所重在此不在彼耶志登梓劉侯以循良遷去建齊龔侯繼之董厥成焉而以序屬不穀蓋劉侯意也姑述其概如此云

嘉靖四十二年仲秋月邑人柳希玘

廬江縣志

卷之首

原序

七

原序

自楚漢迄於宋元廬之在羣舒江淮重地也志曰廬屋廬也廬江者地近江而可廬猶禹貢所謂既宅今縣名始梁武帝大同中置今邑治始唐景龍二年所遷蓋即漢廬江國故府云壤東與江近西南北與肥水龍舒皖桐無為相繚錯風土亦略似之前代以戰爭侵寇屢經兵燹近世為益甚余不敏筮仕於茲乍入境行蒿萊荆棘中車及郭以內彌望皆墟就前令憊舍為公廩頽垣甕牖把茅而居近市而理以言草昧良不誣矣歷七八載出漸關屯漸興蠶織漸廣虛集漸繁睥睨漸補九塞之關枚漸啟牆壁之詩書漸聞或曰江之可為廬其於是乎復哉或曰

廬江縣志

卷之首

原序

八

廬民所不給者賦稅廬令所不即中程者催科所未加考索者志乘余不敏避席曰催科之拙吾則奚辭志乘吾夙願也敢後諸於是求善本於積書家得隆慶中廬江縣志及崇禎初廬州府志告於邑縉紳先生以下文學三老以上謀新斯志而學博錢子兩君毅然任其事會督學李公檄修江南北諸志既請於郡公公許之諸縉紳文學博士因其探蒐研究纖悉不遺一以續一以補一以刊訛凡再踰月而業成余不敏捐俸繕梓未踰年而殺青斯竟皆以余不敏宜有言書其簡端余乃三讀而致歎曰吾於廬志有三信焉有三疑焉有三幸焉諸公之裨益我宏矣哉人言漢毛義孝其母隱於茲捧檄而喜其後辭與皆不

赴吾於童卯時輒訝義爲矯今觀廬之山川風物又揣漢後時  
會天下高隱有樂於是者乎信一也人言廬邑處脂膏及吾一  
行作吏彫瘵可憐及讀宋王之道繡溪詩有畫橋雕檻湧殿飛  
樓之句然後知廬之繁富自古爲然迨明而斷安知生聚之久  
不復爲都會乎信二也人言廬有左慈狡獪蟻視魏武又云治  
父山歐冶子鑄劍之遺鉛滓猶存吾每指爲誕及觀於今長生  
久視之老清靜甯壺之言吾嘗目得接而耳得聞蓋公可作其  
更有益於治政乎信三也五代時楊行密故宅在廬邑邑金剛  
寺是其地行密嘗稱吳王而李太白上吳王詩有曰坐嘯廬江  
靜又同吳王送杜秀才入京詩有曰暫別廬江守則廬江在盛

廬江縣志

卷之首

原序

九

唐有吳王矣何以傳記無考而前此操志者亦不載是詩乎疑  
一也廬子國見春秋傳應劭曰廬子國即廬戎之地按左氏廬  
戎自在宣城山中劭誤以中廬之廬爲廬江之廬野客叢談辨  
此甚確又左傳昭公二十有七年吳公子燭庸伐濳杜註云濳  
在廬江六縣西南故邑亦名濳川似矣然安知非皖國之濳乎  
疑二也漢光武出淮陽到監鄉問名焉南史陳敗隋將麥鐵杖  
於陵亭監鄉陵亭皆廬江地名散見傳錄而廬志不書廬人亦  
不能言其所在疑三也先伯父起家寶雞令得遍秦中雲樹余  
不敏籍銅於廬備歷楚淮物色凡周秦以來史冊所載往來心  
目間幸一也獲日從廬賢士大夫游而優毛義之奇滌左慈之

居封宛春周瑜小喬何晏伍喬諸墓以慰夙心幸二也後之君  
子存此志而登風俗於酒古考版籍之闕遺以臻其成詳其略  
幸三也諸公之神益我宏矣哉是爲序  
順治十三年季秋既望知廬江縣事樂安孫宏喆

廬江縣志

卷之首

原序

十

原序

典故該於邑志以里之人記里之事詳且悉微且信也若星野疆域官校方物之記前志載之備矣第忠孝節義球壁日臻損益災祥人天時變非歲久續修何以紹將來追往昔也廬邑自崇禎乙亥春獻賊煽虐室之焚燬者幾半逮七閩年屆及壬午則盤踞三季屠戮之慘族無數丁祖龍一炬文獻俱盡毋論邑無藏書即窮鄉僻壤之區頽壁荒原鞠為茂草繇賊一夕驟至四野俱遍士民挈家而逃衣飾悉指安能攜帙括也邑侯孫父臺禧惟甫駐即詢及失誌蒿日憂之延訪數年廩庠吳子愷生偶存其一索閱竟知為二番所修物也是書初修自嘉靖中年

廬江縣志

卷之首

原序

十一

乃予五世祖鄉進士革齋公秉筆再修自萬曆初年乃予叔高祖歲薦進齋公贊成三修自崇禎壬申年乃予先祖恩貢燕巖公纂集茲三修者弗獲其間不無遺亡然家大人目擊心記猶可補其缺略令君曰是書之續無踰於尊公矣任之不堪辭之未克乃於乙未秋日奉諸上臺指回錢于兩學博暨吳夏家叔諸生等逾月而成緝閱考校又逾年始登諸梓夫彫殘之餘首重生聚祠重教訓生聚則去其病民者如復行條鞭革除僉點大差之弊氓戀樂土永無苛政誌書中倍加詳焉教訓則去其偷民者如表揚文學標忠孝節義之名事必稱實人不忽微誌書中不敢少遺焉孰謂一筆一墨不足以維風而勵俗哉書成

命鼎序之辭曰郡多大老宜景斗山邑求多聞爰飾固陋令君

曰否否攷諸成例邑以人重人以書傳稽往而無微而又奚信

焉故不敢辭復不慚其語之質直也

順治十三年季秋之吉邑人王鳳鼎

廬江縣志

卷之首

原序

十二

原序

宇內郡縣星布碁置而縣必有志卽周官之閭史也由是上之  
省府以進於

天子之廷其意嚴其權重矣然世所傳邑志之良者康德涵之志武  
功邢子愿之志臨邑董見心之志章邱數家而外亦不多見豈  
非文獻之徵不足而筆削亦難其任歟廬江去郡百五十里自  
明末數罹兵燹城郭廬舍蕩析無存而邑志久不可開矣

國初邑令孫君宏喆有事纂修猶屬草創今更四十餘年蠶簡蠶  
翰殘缺失次欲加補綴其道無由會府憲張公來典廬郡首議  
修輯期年而郡志成爰命各屬次第舉行又數月而合肥志成

廬江縣志

卷之首

原序

十三

余承乏廬江爰諮於廣陵王君武徵進邑人而議之因其舊而  
新之略者覈闕者補蕪者理絕者續始事於仲春卒業於季夏  
乃克要其成而授之梓爲之序曰史學之重也久矣江文通有  
言史之難無出於志以陳壽之善敘述李延壽之能悉舊事所  
撰二史俱不克成志誠以憲章所繫非熟於掌故者不能爲也  
夫興衰理亂所以該歷代之始終而經制典章所以著百王之  
損益司馬公之通鑑馬端臨之通考各成一書以備參攷而郡  
邑之志兼而綜之且郡志略而邑志詳略者提其綱詳而斷其  
目是以難也而在廬尤有難焉者兵燹之後尺籍無稽歷時之  
久老成凋謝且如一編之中代有廢興制有沿革土有瘠腴歲

有饑穰時有祲祥賦有登下俗有消澆生齒有眾寡稅賦有豐

耗官師有臧否政教有隆污人文有闕暢其淹雅之識則無以  
涵茹古今非貞亮之操則易於任情毀譽非採擇之廣練習之

久則無以融會參伍原始而要終此又其難之難者也余不敏  
時與鄉士大夫搜遺編於往牒訪軼事於時賢凡例本乎章程

書法倣乎國史取茲邑之風土人物服物章采而次第著之以  
昭法守而裨風化雖不敢自居於良史而較之舊本則加詳矣

噫廬之爲邑昔爲灌莽之墟而今且土田日闢人文輩興爲淮  
右之勝地後之閭俗者其亦覩是編而俯仰今昔欣慨交集也

哉則治茲邑者誠宜凜凜於

廬江縣志

卷之首

原序

十四

聖天子澄清吏治軫念民艱之至意務使生聚教訓益駸駸於太平  
之盛山川人物輝光相映未可以苟焉而已也是爲序  
康熙三十七年歲次戊寅端月知廬江縣事錢塘吳賓彥

原序

余承乏廬江會兩江制府尹公奉

命修江南通志開局鍾山檄所屬州縣蒐羅志乘及人物典故之遺  
軌以菁萃成書蓋省為州縣之總會而省志集州縣之大成聯  
詳略之間體裁各別要必以州縣之志為始基也明永樂時修  
一統志經諸儒之手而成後人尚不無遺憾蓋以革命未幾州  
縣百凡草創未遑詳究典章州縣之志既疎蕪而直省通志遂  
無從持擇彙而輯焉掛漏舛謬貽譏後世然則縣志之所係顧  
不重歟我

國家休養生息海內晏然日所出入湛恩無不霑溉大一統之盛

廬江縣志

卷之首

原序

十五

遠邁前朝攬取外史氏所掌以垂不朽誠萬世一時而廬邑地  
介江淮當南北之孔道其間郡縣分合之故山川城郭昔是今  
非之迹與夫人民謠俗何以近乎南而殊乎北政教期會何以  
酌乎古而宜乎今蓋志一邑而一郡之木末將於足推焉數郡  
之故事亦錯出而附見焉聞見狹則虞其陋採取富又病其譌  
况夫數十年來忠義貞節之氣焯焯烈烈薄星辰而貫金石者  
其氏名滅沒或為蠹鼠蝕殘或為獗貉噬盡或幽鑿於荒江寒  
屋斷碑殘碣之間而投閣之儒黎邱之鬼紛紜雜出以炫惑是  
非幸值

盛世休明

天子大臣發潛闡幽之日而不為之滌除闢汶披發光明何以使淮

南江北之地正氣得伸而山川不闕其靈秀歟所為閱舊志而  
汲汲纂修又惴惴焉懼以苟簡滋戾也適江陰孔君庭言在署  
乃相與商之復延其戚友包君文在同為參訂始於秋八月迄  
冬十月竣事上探春秋以來下至於茲清其分野理其沿革凡  
一名而彼此互見或一邑而犬牙相錯者莫不剖析異同正其  
疑似疆域既定而人物之流傳官績之紀載至於帶礪之誓災  
殺之書胥得援據往册次第而釐正之其他規制典禮治術民  
風州次部居亦咸歸條理至若續載人物博訪輿情旁搜家傳  
窮鄉僻壤以進父老來前令操三寸弱管以抒其是非非之

廬江縣志

卷之首

原序

十六

直道而復榜之通衢稽覈再四一人登黜咸若鬼神在旁而指  
摘交集於是一邑之掌故其千年之疑謬者既為釐定而近今  
所續亦庶幾愜於人心而可以傳信於來世以資省志之採擇  
或免於舛譌之弊矣獨是三閱月而成孜孜蒐討恐尚不無遺  
漏踵事而增是在後之君子爾是為序  
雍正十年歲次壬子小春月知廬江縣事蓋屋陳慶門

原序

邑之有志尚矣周禮職方氏掌天下之地圖辨其邦國都鄙之  
人民與其財用五穀六畜之數蓋即後世志書所由昉自時厥  
後代有成書明洪武間纂輯一統志以總其全下而州縣亦各  
勒成一編以備掌故由是制度典章燦然大備不特文獻藉以  
徵抑亦守土者藉以考政治而昭法守廬江於天文入斗六度  
地介江淮其間郡縣分合之沿革山川城郭之遷徙與夫流風  
習俗之淳漓政教期會之繁簡前志誌之詳矣我

國家承平日久休養生息涵煦數百年廬邑雖地等彈丸而食德  
飲和既深且久土田開闢人文鬱興蔚然爲淮右之名區江北

廬江縣志

卷之首

原序

十七

之巨鎮較之舊志所載日新月盛非隨時增纂其何以紹往哲  
示來茲乎歲在己未太守鞠園張公來典廬郡立綱陳紀百廢  
具興公餘之暇慨然有纂修郡邑全志之舉爰命所屬次第舉  
行果亭魏君以良史之才實宰斯土乃進邑之耆儒碩彥共襄  
厥事卽舊志而折衷之舉凡分野疆域戶口田賦典禮學校山  
川人物事蹟風俗諸大端既視舊志加詳其間潛德幽光有善  
必書無微不闢更復蒐羅詢訪備著於簡信乎斯邑之文獻藉  
以徵足爲後之守土者考政治而昭法守矣工將竟魏君奉檄  
調任鄰封予適承乏茲邑復與司事諸君子考訂詳明斟酌盡  
善俾成完書後之人觀是編而考其禮樂政刑之績典章制度

之詳土田戶口之繁人物山川之美詎不足仰見

聖天子久道化成移風易俗之盛治也歟剗剗旣竣邦人士以予例  
得綴名簡末予既樂觀厥成竊幸附名於諸君子之後有榮施  
焉爰不辭而爲之序

嘉慶八年歲次癸亥八月既望署廬江縣事錢塘張煥

廬江縣志

卷之首

原序

十六

原序

志修於嘉慶八年知縣魏果亭先生成之於署縣錢塘張公也  
考訂詳明編次切當洵足以備掌故以爲守土助計去今六十  
有五年矣予初蒞斯邑當兵燹之後百務廢弛善後舉行事多  
草創苦無成規以資考證而山川疆理文獻典章亦無從考究  
其顛末乃欲得縣志而綜觀之訪購舊書延詢邑士間得一二  
卷簡斷編殘莫窺全豹心甚惜之逾年邑紳黃仰范徵士訪尋  
得之攜以示予予喜甚留置案頭藉窺故實爲撫治資惟板既  
燬燼書又僅存碩果之留倍加珍惜尙懼久而散失無以爲將  
來續修張本因有聚珍刷版爲民間印家譜者命之依舊文以

廬江縣志

卷之首

原序

十九

刷印不加點竄裝訂完好存署備觀並薦紳家亦廣爲分藏冀  
不遺失以爲後此續修地計三閱月而工竣爰書數語以誌簡  
端云

同治七年歲次戊辰五月下泮知廬江縣事連江黃光彬

原序

予於同治八年夏權邑篆是年水災城垣傾圮詳報興修於次  
年春開工兼庶務殷繁未遑他及適省修安徽通志檄修邑志  
予懼不學固陋無以副重任而又深喜得討論此邦之典故欣  
然進邑中賢士大夫而商之時記名提督王君占魁讀禮家居  
延爲總理前寶應知縣姚君繼韶江蘇候補知縣吳君瑾山西  
候補知縣許君大同內閣中書張君盛典候選知縣章君金鑑  
前石埭縣訓導孫君贊鎮孝廉方正黃君業良請爲纂修江西  
候補同知凌君祚邀爲監局副將張君德新常州營守備劉  
君泰來德千總許君鏞訓導馬君家彥廬君步瀛教諭馬君世

廬江縣志

卷之首

原序

二十

恩州同芮君桐縣丞計君如張從九吳君道生貢生龐子繼鏗  
金子程萬徐子大倫庠生張子金鑑王子立恆朱子錫圭姚子  
繼康王子瑩鍾子崇欽監生徐子導淮江子學智分鄉採訪其  
嘉慶八年舊志幸前任黃君質軒重刊因得以尋其端緒閱而  
年而稿始脫抄送省志局一部存縣署一部未及刊刻而予又  
奉調宣城縣予因詳覽所續之志皆係舊志所載悉存錄之卽  
有疑義亦未嘗稍加點竄以失其本真其所增益者皆殫難節  
孝諸人與夫科目例仕諸類所補列傳者亦復寥寥無幾予本  
不學固陋喜得討論此邦之典故謹綴數言徒以辱簡端云爾  
是爲序

同治十年歲次辛未孟夏知廬江縣事奉新周銘

廬江縣志

卷之首

原序

二

廬江縣志歷修銜名

國朝

嘉靖二年

主修知縣周良會纂修邑人王萬年

嘉靖四十二年

主修知縣劉裁纂修邑人宛嘉祥王言

崇禎五年

主修知縣張雲鶚纂修邑人王孫謀

國朝

順治十三年

廬江縣志

卷之首

銜名

三

主修知縣孫宏喆纂修教諭錢念修訓導于有甲

康熙三十七年

主修知縣吳資彥纂修廣陵王方岐

雍正十年

主修知縣陳慶門纂修江陰孔傳詩包彬

嘉慶八年

總裁知府張祥雲主修知縣魏紹源張煥協修教諭言朝懋訓

導江直監局典史朱燕城守韓大鵬總局河南歸德府通判吳

光達纂修隨州進士儲嘉珩監貢李光瓊歲貢吳嗣默高邗州

學正姚鳴岡副貢黃金臺參訂廣西附貢周嶼浙江監生沈文

錫廩貢吳光輝歲貢徐吉人趙依廩生吳承袞校閱候選教諭  
 丁榮禧增生姚槐生員李振翔黃占香姚象樞李基廓候選未  
 入流李法採訪監生徐正樞荆溪縣訓導李方巖江西鉛山縣  
 縣丞張世祥監生宋啟鏐章正波布政司理問丁茂組貢生金  
 智勸捐浙江候補鹽大使丁茂織候選主簿陳德增州同許士  
 蕙王紳洪雯監生王兆魁

廬江縣志 卷之首 簡名 三

廬江縣志現修銜名

總裁

三品銜 賞戴花翎廬州府知府黃雲

主修

同知銜 賞戴花翎陸用直隸州廬江縣知縣錢鏞

協修

廬江縣學教諭 洪紹朋

廬江縣學訓導 程元愷

監局

署廬江縣典史候補巡檢 胡紹沆

廬江縣志 卷之首 簡名 二

分縣委員候補巡檢 丁朝棟

都司銜 賞戴花翎候補守備廬江城守外委朱佩瓊

纂修

同知銜 候選知縣 盧鈺

試用訓導前署甯國縣訓導 朱祝三

道銜 賞戴花翎江蘇候補知府世襲雲騎尉略勇巴圖魯鮑灼

五品銜工部候補主事虞衡司行走 霍翔

六品頂戴 廩生俞燮奎

參訂

六品頂戴附貢 生陳希桂